



07  
11271  
PB 11

Broj: 02-04-44436-25.1/24  
Sarajevo, 26.09.2024. godine

## PROGRAM UTROŠKA SREDSTAVA ZA FINANSIRANJE/SUFINANSIRANJE PROJEKATA U CILJU OČUVANJA TRADICIONALNIH I STARIH ZANATA U KANTONU SARAJEVO ZA 2024. GODINU

### I UVOD

Na osnovu člana 6. Uredbe o dodjeli poticajnih sredstava za finansiranje/sufinansiranje projekata u cilju očuvanja tradicionalnih i starih zanata u Kantonu Sarajevo („Službene novine Kantona Sarajevo“, broj: 38/22) (u daljnjem tekstu: Uredba). Ministarstvo privrede Kantona Sarajevo (u daljnjem tekstu: Ministarstvo privrede) pripremio je Program utroška sredstava za finansiranje/sufinansiranje projekata u cilju očuvanja tradicionalnih i starih zanata u Kantonu Sarajevo za 2024. godinu (u daljnjem tekstu: Program). Program je dokument kojim se programira finansiranje/sufinansiranje projekata u cilju očuvanja tradicionalnih i starih zanata u Kantonu Sarajevo, u skladu sa odredbama Uredbe. Program sadrži: pregled stanja u sektoru obrtništva, ukupno planirani iznos sredstava za finansiranje/sufinansiranje projekata, popis tradicionalnih i starih zanata koji su obuhvaćeni Programom, projekte koji su predmet finansiranja/sufinansiranja u Programu, maksimalni iznosi poticajnih sredstava projekata po vrstama projekata iz Programa, prihvatljive troškove u projektima, uslove i kriterije u postupku izbora korisnika sredstava, pojedinačni broj bodova u svakoj pojedinačnoj grupi iz kriterija, osnovnu strukturu projekta, isprave i drugu dokumentaciju koja se obavezno dostavlja u prijavi na javni poziv, obavezne elemente ugovora o realizaciji odobrenih sredstava i druge potrebne programske elemente.

### II EKONOMSKI POKAZATELJI FBiH I KANTONA SARAJEVO U 2023. GODINI

Na osnovu prikupljenih statističkih podataka može se zaključiti da su kretanja ekonomskih aktivnosti u Federaciji Bosne i Hercegovine (u daljnjem tekstu: FBiH) u 2023. godini imala blagi rast. Prema saopćenju Federalnog zavoda za statistiku u decembru 2023. godine ukupan broj zaposlenih u Federaciji BiH je iznosio 544.437<sup>1</sup>. Od toga, broj zaposlenih kod pravnih subjekata iznosio je 484.555, dok u istom periodu broj zaposlenih u obrtu i srodnim djelatnostima iznosio je 61.687. *Posmatrano po područjima Klasifikacije djelatnosti BiH 2010 najveći broj zaposlenih je zabilježen u Prerađivačkoj industriji (C) ukupno 105.202 osoba, druga po redu je Trgovina na veliko i malo (G) sa brojem od 99.639. Veliki broj zaposlenih je bio i u sektorima Javna uprava i odbrana (O) 48.177; Obrazovanje (P) 46.403; Djelatnosti zdravstvene i socijalne zaštite (Q) 37.728. Prema objavljenim informacijama Federalnog zavoda za zapošljavanje, dana 31.12.2023. godine na evidenciji službe za zapošljavanje bilo je registrirano 271.904 osobe. Od ukupnog broja nezaposlenih, 185.135 (68.09%) je stručnih, 86.769 (31.91%) su nestručne osobe, a njih 81.645*

1 Federalni zavod za statistiku: Saopćenje „Zaposleni i nezaposleni, Decembar 2023. od 16.02.2024. godine



(30.03%) prvi put traži zaposlenje. Na evidenciji nezaposlenih bilo je registrirano 59.493 osobe u dobi između 15 i 29 godina.<sup>2</sup>

Ukupan broj poslovnih subjekata u FBiH na kraju 2023. godine iznosio je 124.169, što je više za 3.862 ili 2,4% u odnosu na prethodnu godinu. Na kraju 2023. godine broj poslovnih subjekata na 1000 stanovnika u FBiH iznosio je 57,8. Broj pravnih osoba u FBiH na kraju 2023. godine iznosio je 67.477, što je više za 1.819 ili 2,8% u odnosu na prethodnu godinu. U 2023. godini najviše registrovanih pravnih lica po djelatnostima bilo je u trgovini na veliko i malo 22,4%, u ostalim uslužnim djelatnostima 20,0% i u prerađivačkoj industriji 10,3%, a najmanje u vađenju ruda i kamena 0,4%.<sup>3</sup>

Broj fizičkih osoba - obrtnika na kraju 2023. godine iznosio je 56.692 što je više za 2.403 ili 3,7% u odnosu na prethodnu godinu. U izvještajnoj godini najviše registrovanih fizičkih lica po djelatnostima bilo je u trgovini na veliko i malo 20,7%, djelatnosti pružanja smještaja (hotelijerstvo i ugostiteljstvo) 17,4% i u prerađivačkoj industriji 13,4%. Gledano po kantonima FBiH najveći ukupan broj poslovnih subjekata na kraju 2023. godine registrovan je u Kantonu Sarajevo sa učešćem od 29,3%, Tuzlanskom kantonu 17,6% i Zeničko-dobojskom kantonu 13,0%, dok je najmanje učešće registrovano u Bosansko-podrinjskom kantonu sa svega 0,9% u ukupnom broju poslovnih subjekata u FBiH.<sup>4</sup>

Povećanje ukupnog broja poslovnih subjekata zabilježeno je u skoro svim kantonima FBiH u 2023. godini, a najveće povećanje zabilježeno je u Kantonu Sarajevo za 3,8%, Zeničko-dobojskom kantonu za 3,3%, Zapadnohercegovačkom kantonu za 3,1%, dok je smanjenje zabilježeno u Bosansko-podrinjskom za 1,5% i Posavskom za 1,2% u odnosu na prethodnu godinu. Gledano po kantonima FBiH, najveći broj pravnih lica na kraju 2023. godine registrovan je u Kantonu Sarajevo sa učešćem od 33,5%, Tuzlanskom kantonu 15,4% i Hercegovačko-neretvanskom kantonu 11,8%, dok je najmanje učešće u Bosansko-podrinjskom kantonu sa 0,9% u odnosu na ukupan broj pravnih osoba u FBiH.<sup>5</sup>

Najveći broj fizičkih osoba - obrtnika na kraju 2023. godine registrovan je u Kantonu Sarajevo sa učešćem od 24,3%, Tuzlanskom kantonu 20,1% i Zeničko-dobojskom kantonu 15,9%, dok je najmanje učešće registrovano u Bosansko-podrinjskom kantonu sa 0,9% u odnosu na ukupan broj fizičkih osoba u FBiH.<sup>6</sup>

Unapređenje poslovnog ambijenta kroz pojednostavljenje procedura i smanjivanje troškova registracije biznisa, odnosno provođenje usvojenih godišnjih planova poticaja razvoja male privrede u Kantonu Sarajevo u periodu od 2016. - 2023. godine i provođenje Programa utroška sredstava za finansiranje/sufinansiranje projekata u cilju očuvanja tradicionalnih i starih zanata u Kantonu Sarajevo za 2022. i 2023. godinu koincidiralo je sa povećanjem broja registrovanih poslovnih subjekata, rastom prometa, poboljšanjem poslovnih performansi i rastom broja zaposlenih u subjektima male privrede u Kantonu Sarajevo.

**Tabela 1.** Registrovani obrti u Kantonu Sarajevo po općinama (31.12.2023. godine)

Općina/ KD 2010	Centar Sarajevo	Hadžići	Ilidža	Ilijaš	Novi Grad Sarajevo	Novo Sarajevo	Stari Grad Sarajevo	Trnovo	Vogošća	UKUPNO
A	29	57	65	158	101	17	25	39	67	558
B	-	-	-	-	-	-	-	-	-	-
C	298	48	221	78	416	220	572	3	84	1.940

2 Federalni zavod za zapošljavanje; *Bilten 01/24, Statistički pregled Decembar*

3 Federalni zavod za programiranje razvoja; *Makroekonomski pokazatelji po kantonima Federacije BiH 2023.*

4 Ibid.

5 Ibid.

6 Ibid.



D	-	2	4	6	1	-	2	-	3	18
E	1	-	-	-	-	-	-	-	-	1
F	64	62	126	33	205	60	44	4	38	636
G	486	132	358	87	685	266	206	1	126	2.347
H	219	32	176	24	373	186	249	9	72	1.340
I	246	16	163	8	116	169	201	10	18	947
J	383	5	128	5	165	283	67	-	26	1.062
K	58	-	11	-	22	53	21	-	3	168
L	195	74	600	60	144	132	78	1	79	1.363
M	960	31	396	20	362	599	206	2	57	2.633
N	265	34	310	16	182	201	113	4	32	1.157
O	102	19	23	20	39	47	28	2	10	290
P	98	17	63	11	74	86	39	1	19	408
Q	104	6	45	5	54	82	42	2	11	351
R	401	44	155	28	295	210	124	11	63	1.331
S	1.422	75	419	79	692	894	536	27	138	4.282
T	-	-	-	-	-	-	-	-	-	-
U	17	-	-	-	2	8	4	-	-	31
<b>Ukupno</b>	<b>2.901</b>	<b>505</b>	<b>1.757</b>	<b>539</b>	<b>3.264</b>	<b>2.197</b>	<b>1.835</b>	<b>79</b>	<b>682</b>	<b>13.759</b>

*Izvor: Federalni zavod za statistiku; Kanton Sarajevo u brojkama 2024*

### III UKUPAN IZNOS SREDSTAVA ZA FINANSIRANJE/SUFINANSIRANJE PROJEKATA

Ukupan planirani iznos sredstava (limit) za finansiranje/sufinansiranje projekata po Programu je 500.000,00 KM (slovima: petstotinahiljada i 00/100 konvertibilnih maraka), a ova finansijska sredstva utvrđena su u Budžetu Kantona Sarajevo za 2024. godinu, na poziciji „Podrška očuvanju starih i tradicionalnih zanata“, ekonomski kod 614500, subanalitika IAP 006.

### IV POPIS TRADICIONALNIH I STARIH ZANATA OBUHVAĆENIH PROGRAMOM

Uredbom o zaštiti tradicionalnih i starih zanata („Službene novine Federacije BiH“, broj: 28/22) propisani su popis tradicionalnih i starih zanata i uslovi za njihovo obavljanje. Temeljem ove Uredbe, utvrđen je popis tradicionalnih i starih zanata obuhvaćen Programom, a koji je prikazan u Tabeli 2.



Tabela 2. Popis tradicionalnih i starih zanata obuhvaćen Programom

Popis tradicionalnih i starih zanata obuhvaćen Programom		
Šifra djelatnosti prema KD BiH 2010	Naziv tradicionalnog i starog zanata	Grupa djelatnosti po Programu
10.83	<b>Prerada čaja i kafe:</b> proizvodnja proizvoda od kafe – mljevena kafa (obrada pržene kafe tucanjem - ali samo u džbeku ili avanu)	Grupa A
13.20	<b>Tkanje tekstila (na ručnom tkalačkom stanu):</b> proizvodnja tkanina od prede pamučnog tipa, vunenog tipa, od češljane vune ili od prede svilenog tipa, uključujući mješavine, te od umjetne ili sintetičke prede (polipropilen itd.); proizvodnja ostalih širokih tkanina od lana, ramije, konoplje, jute, lika i specijalne prede; ...	
13.93	<b>Proizvodnja tepiha i prekrivača za pod (isključivo na tradicionalni način):</b> proizvodnja tekstilnih prekrivača za pod (tepiha, ćilima, prostirki, hasura i otirača); proizvodnja iglom rađenih prekrivača za pod od filca; ...	
14.31	<b>Proizvodnja pletenih i heklanih čarapa (isključivo ručni rad):</b> proizvodnja čarapa, uključujući i kratke čarape, triko-čarape i hula-hop; ...	
16.24	<b>Proizvodnja ambalaže od drveta:</b> proizvodnja buradi, bačvi, kaca i drugih bačvarskih proizvoda od drveta; ...	
18.12	<b>Ostalo štampanje:</b> izrada kaligrafijom (lijepim pisanjem) različitih tekstova, dokumenata, brošura, .	
24.54	<b>Livanje ostalih obojenih metala (isključivo na tradicionalni način):</b> livanje odlivaka od teških metala; livanje odlivaka od plemenitih metala; ...	
25.29	<b>Proizvodnja ostalih metalnih cisterni, rezervoara i sličnih posuda:</b> proizvodnja spremnika, cisterni i sličnih metalnih posuda; umjetnička obrada kazandžijskih proizvoda; ...	
25.91	<b>Proizvodnja čeličnih buradi i sličnih posuda od čelika:</b> proizvodnja sanduka od željeza ili čelika, kapaciteta do 30.0 l; proizvodnja čabrova, kanti, bačvi, vedara i dr.; ...	
25.99	<b>Proizvodnja ostalih gotovih proizvoda od metala, d. n.:</b> proizvodnja sefova, ormara i kasa, oklopnih vrata i dr.; izrada i popravak ručnih mlinova; umjetnička izrada raznih proizvoda od gvožđa, bakra i drugih metala; ...	
49.39	<b>Ostali kopneni prevoz putnika, d. n.:</b> prevoz putnika zaprežnim vozilima	
90.03	<b>Umjetničko stvaralaštvo:</b> restauriranje umjetničkih djela poput slika itd.	
95.23	<b>Popravak obuće i proizvoda od kože:</b> popravak obuće i ostalih predmeta od kože; popravak čizama, cipela, kofera i sličnih predmeta i od drugih materijala; ...	
96.02	<b>Frizerski i drugi tretmani za uljepšavanje</b> pranje, podšišivanje i šišanje kose, kao i brijanje i potkresivanje brade ( <b>isključivo obrti kojima je u Rješenju za obavljanje obrta kao osnovnog zanimanja, izdatom od nadležnog općinskog organa navedeno da djelatnost za koju su registrovani spada u tradicionalne i stare obrte/zanate i kojima je od Porezne uprave Federacije BiH izdato rješenje kojim se odobrava plaćanje poreza na dohodak u mjesečnom paušalnom iznosu</b> ); ...	
14.19	<b>Proizvodnja ostale odjeće i pribora za odjeću:</b> proizvodnja šešira i kapa; proizvodnja ostalog pribora za odijevanje: rukavice, pojasevi, šalovi, mašne, kravate, mreže za kosu i dr.; proizvodnja pokrivki za glavu od krzna; ...	

15.12	<b>Proizvodnja putnih i ručnih torba i sličnih proizvoda, sedlarskih i remenarskih proizvoda:</b> proizvodnja kofera, ručnih torba i sličnih predmeta od kože, umjetne kože ili bilo kojeg drugog materijala, kao što su plastične folije, tekstilni materijali, vulkanfiber i karton, ako se primjenjuje ista tehnologija kao za kožu; proizvodnja nemetalnih kaiševa za satove; proizvodnja raznih proizvoda od kože i umjetne kože: pogonski kaiševi, zaptivke itd.; proizvodnja sedlarskih i saračkih proizvoda; ...	
16.29	<b>Proizvodnja ostalih proizvoda od drveta, proizvoda od pluta, slame i pletarskih materijala:</b> proizvodnja raznih proizvoda od drveta: drvene drške i dijelovi za alat, metle, četke i dr.; drveni kalupi za obuću i drvene vješalice; drveni pribor za kuhinjsku upotrebu; zidni i stojeći stalci za odijela i šešire; drvene statuete i ukrasi, marketarije i intarzije od drveta; drveni kovčežići i kutije za nakit, pribor za jelo i slični proizvodi; drvene špule, poklopci, bobine, kalemovi za konac i slični proizvodi od struganog drveta; ostali drveni proizvodi, ...	
25.50	<b>Kovanje, presovanje, štancanje i valjanje metala; metalurgija praha:</b> kovanje (umjetničko); izrada konjskih potkovicica i ploča i potkivanje konja; ...	
25.61	<b>Površinska obrada i presvlačenje metala:</b> termička obrada metala; presvlačenje metala nemetalnim materijalima: plastificiranje, lakiranje, emajliranje i dr.; kaljenje, poliranje metala i dr; (kalajisanje, emajliranje i cinkovanje posuda); ...	
25.62	<b>Mašinska obrada metala:</b> glodanje, proizvodnja raznih proizvoda po narudžbi, prema specifikaciji i umjetnička obrada metala glodanjem; ...	
25.71	<b>Proizvodnja sječiva:</b> proizvodnja sablji, mačeva, bajuneta itd.	
32.12	<b>Proizvodnja nakita i srodnih proizvoda:</b> proizvodnja obrađenih bisera; proizvodnja obrađenog dragog i poludragog kamena, uključujući i obradu kamena industrijske kvalitete i sintetičnog i rekonstituiranog dragog i poludragog kamena; obrada dijamanta; proizvodnja nakita od plemenitih metala ili baznih metala presvučenih plemenitim metalima, nakita od dragog ili poludragog kamena, nakita od plemenitih metala u kombinaciji s dragim ili poludragim kamenom ili u kombinaciji s drugim materijalima; proizvodnja zlatarskih predmeta od plemenitih metala ili baznih metala presvučenih plemenitim metalima: posude (plitko i duboko), pribor za jelo, predmeti za toaletnu upotrebu, kancelarijski predmeti, predmeti za religioznu upotrebu i dr.; graviranje na predmetima od baznih metala;...	
32.20	<b>Proizvodnja muzičkih instrumenata:</b> proizvodnja muzičkih instrumenata sa žicama; proizvodnja duhačkih instrumenata; proizvodnja muzičkih instrumenata udaraljki; proizvodnja narodnih instrumenata (šargija, gusala, frula, ... ); ...	
32.20	<b>Proizvodnja muzičkih instrumenata:</b> proizvodnja orgulja s cijevima i dirkama, uključujući i harmonije i slične klavijaturne instrumente sa slobodnim metalnim piskovima; ...	
32.99	<b>Ostala prerađivačka industrija, d. n.:</b> proizvodnja suncobrana i kišobrana, štapova za šetnju, dugmadi, kopči (drikeri), patentnih zatvarača, nitni, čičak zatvarača i sl.; ...	
32.99	<b>Ostala prerađivačka industrija, d. n.:</b> proizvodnja ručnih sita i rešeta	
33.11	<b>Popravak proizvoda od metala:</b> popravak čeličnih buradi i sličnih posuda od čelika; ...	
81.22	<b>Ostale djelatnosti čišćenja zgrada i objekata:</b> čišćenje dimnjaka, kamina, peći, šporeta, peći za spaljivanje otpada, kotlova, ventilacijskih i ispušnih uređaja i dr., ...	
95.25	<b>Popravak satova i nakita:</b> popravak nakita	
13.10	<b>Priprema i predenje tekstilnih vlakana:</b> pripremne radnje na tekstilnim vlaknima, predenje i proizvodnja prede i konca za tkanje ili šivanje za prodaju ili daljnju proizvodnju; ...	Grupa C

14.13	<b>Proizvodnja ostale vanjske odjeće:</b> proizvodnja ostale odjeće izrađene od materijala, kao što su tkane, pletene ili heklane tkanine, netkani tekstil i dr. za muškarce, žene i djecu., šivene po mjeri; šivenje po mjeri uz naknadu; ...
14.19	<b>Proizvodnja ostale odjeće i pribora za odjeću:</b> proizvodnja obuće od tekstilnog materijala bez dodatnih donova;
14.20	<b>Proizvodnja proizvoda od krzna:</b> proizvodnja proizvoda od krzna: krzneni odjeći i pribor, razni proizvodi od krzna: prostirke, nepunjeni jastuci, industrijske krpe za poliranje i dr.; spajanje krznenih odsječaka u druga oblika kao što su ploče, trake i dr.; ...
14.39	<b>Proizvodnja ostale pletene i heklane odjeće (isključivo ručni rad):</b> proizvodnja pletenih i heklanih pulovera, jakni i sličnih proizvoda; ...
15.11	<b>Štavljenje i obrada kože; dorada i bojenje krzna:</b> dorada i bojanje krzna
15.20	<b>Proizvodnja obuće:</b> proizvodnja obuće, ali pravljene po mjeri uz naknadu ili po ugovoru; ...
16.29	<b>Proizvodnja ostalih proizvoda od drveta, proizvoda od pluta, slame i pletarskih materijala:</b> prerada prirodnog pluta i proizvodnja predmeta od pluta: podmetači, prostirači, zastori i dr.; proizvodnja proizvoda od prirodnog i aglomeriranog pluta; proizvodnja pletenica i proizvoda od pletarskih materijala: podmetači, prostirači, zastori i dr.; proizvodnja korparskih proizvoda i pletarske robe; ...
22.19	<b>Proizvodnja ostalih proizvoda od gume:</b> proizvodnja gumenih čizama i potpetica i potplata, te ostali gumeni dijelovi obuće; ...
23.13	<b>Proizvodnja šupljeg stakla:</b> proizvodnja boca i drugog ambalažnog stakla; proizvodnja obloga od stakla ili kristalnog stakla; proizvodnja čaša za piće i drugih proizvoda za domaćinstvo od stakla ili kristalnog stakla; ...
23.19	<b>Proizvodnja i obrada ostalog stakla uključujući tehničke proizvode od stakla:</b> proizvodnja proizvoda od stakla za laboratorijske, higijenske ili farmaceutske svrhe; proizvodnja stakla za ručne i ostale satove, optičkog stakla i optičkih elemenata koji nisu optički obrađeni; proizvodnja staklenih predmeta za izradu bižuterije; proizvodnja staklenih izolatora i izolacijskog pribora; proizvodnja staklenih blokova za popločavanje; proizvodnja staklenih šipki, cijevi i dr.; ...
23.41	<b>Proizvodnja keramičkih proizvoda za domaćinstvo i ukrasnih predmeta:</b> proiz. stonih keramičkih proizvoda i drugih keramičkih proizvoda za domaćinstvo ili toaletne svrhe; proiz. statueta i drugih ukrasnih predmeta od keramike; ...
23.49	<b>Proizvodnja ostalih proizvoda od keramike:</b> proizvodnja keramičkih lonaca, sudova i sličnih proizvoda koji se koriste za prenošenje ili pakovanje proizvoda; proizvodnja keramičkih proizvoda koji nisu klasificirani na drugom mjestu; ...
23.70	<b>Rezanje, oblikovanje i obrada kamena:</b> sječenje, oblikovanje i obrada kamena za upotrebu u građevinarstvu, na grobljima, za pokrivanje krovova i dr.; ...
25.62	<b>Mašinska obrada metala:</b> struganje, proizvodnja raznih proizvoda po narudžbi, prema specifikaciji i umjetnička obrada metala struganjem; ...
25.62	<b>Mašinska obrada metala:</b> oštrenje metalnih predmeta;
25.72	<b>Proizvodnja brava i okova:</b> proizvodnja vješalica, klinova, držača i sl.; pričvršćivača na bazi metala; ...
25.99	<b>Proizvodnja ostalih gotovih proizvoda od metala, d. n.:</b> proizvodnja metalnih proizvoda za domaćinstvo: tave i drugo neelektrično stono i kuhinjsko posude, stono ravno posude od baznih metala; ...
31.09	<b>Proizvodnja ostalog namještaja:</b> dovršavanje namještaja, kao što je prskanje, bojenje, francusko poliranje, tapeciranje, presvlačenje, osim stolica i sjedala i dr.;...
32.40	<b>Proizvodnja igara i igračkaka:</b> proizvodnja lutki i odjeće i pribora za lutke; proizvodnja igračkaka u obliku životinja,...

32.91	<b>Proizvodnja metala i četaka:</b> proizvodnja metli, slikarskih četkica i četki, uključujući i one koje su sastavni dijelovi mašina, ručnih mehaničkih naprava za čišćenje podova, četki s resama i peruški, valjaka i uložaka za bojenje i drugih četki, metli, metlica i dr.; proizvodnja četki za odjeću i obuću;...	
32.99	<b>Ostala prerađivačka industrija, d. n.:</b> proizvodnja perika, umjetne brade, umjetnih obrva i dr.; ...	
33.19	<b>Popravlak ostale opreme:</b> restauracijske usluge za orgulje i slične instrumente; ...	
95.25	<b>Popravlak satova i nakita:</b> popravak satova	
95.29	<b>Popravlak ostalih predmeta za ličnu upotrebu i domaćinstvo:</b> štimanje, popravak klavira i drugih muzičkih instrumenata (osim orgulja i istorijskih muzičkih instrumenata); popravak kišobrana; popravak ostalih predmeta za ličnu i upotrebu u domaćinstvu (popravak vaga);	
13.30	<b>Dovršavanje tekstila:</b> bijeljenje i bojenje tkanina, osim vlastito proizvedenog tekstila i tekstilnih predmeta uključujući odjeću; ...	Grupa D
13.92	<b>Proizvodnja gotovih tekstilnih proizvoda, osim odjeće:</b> proizvodnja gotovih proizvoda od bilo kojeg tekstilnog materijala: posteljina, stono, toaletno i kuhinjsko rublje; pokrivači, jorgani, jastuci, jastučići, umeci za kosu, ...	
13.94	<b>Proizvodnja užadi, konopaca, upletenoga konca i mreža:</b> proizvodnja pletenica, užadi, kanapa i konopaca (kablova) od tekstilnih vlakana, traka ili sličnih materijala, bez obzira na to jesu li impregnirani, prevučeni, pokriveni ili obloženi gumom ili plastičnom masom; proizvodnja čvorovanih mreža od upredenog konca, užadi ili konopca; proizvodnja raznih gajtana;...	
13.94	<b>Proizvodnja užadi, konopaca, upletenoga konca i mreža:</b> proizvodnja proizvoda od kanapa ili mreža: ribarske mreže, odbojnici za brodove, jastuci za istovaranje, omče za teret, konopci i užad opremljeni metalnim prstenovima i dr.; ...	
13.96	<b>Proizvodnja ostalih tehničkih i industrijskih tekstilnih proizvoda:</b> proizvodnja uzanih tkanina, uključujući i tkanine na osnovi bez potke, sastavljenih pomoću lijepljivih materijala; proizvodnja etiketa, značaka i dr.; proizvodnja ukrasnih predmeta: pletenice, rese, pomponi i dr.; ...	
13.99	<b>Proizvodnja ostalih tekstilnih proizvoda, d. n.:</b> proizvodnja tila i drugih mrežastih tkanina ili čipke u komadima i trakama ili u motivima vezenih tkanina; ...	
24.50	<b>Livanje metala (isključivo na tradicionalni način):</b> proizvodnja polugotovih proizvoda i raznih odlivaka dobivenih procesom topljenja; ...	
25.71	<b>Proizvodnja sječiva:</b> proizvodnja pribora za domaćinstvo: noževi, viljuške, kašike i dr.; proizvodnja različitih predmeta za sječenje: brijaći i nožići za brijanje (žileti), makaze i aparati za šišanje kose, makaze za obrezivanje i kresanje granja i dr.; ...	
31.03	<b>Proizvodnja madraca:</b> proizvodnja nosača madraca; proizvodnja madraca: madraci s oprugama, punjeni ili iznutra opremljeni nosećim materijalima, nepresvučeni madraci od pjenaste gume ili plastičnih masa; ...	
32.99	<b>Ostala prerađivačka industrija, d. n.:</b> proizvodnja lula za pušenje, mirisnih prskalica, termos boca, i drugih vakumskih predmeta za ličnu upotrebu u domaćinstvu; ...	
43.34	<b>Bojenje i staklarski radovi:</b> zastakljivanje, postavljanje ogledala i dr.; ...	
74.20	<b>Fotografske djelatnosti (na tradicionalni način - bez upotrebe digitalne tehnologije):</b> izrada fotografija za komercijalne svrhe i građane: portret fotografija za pasoše, škole, vjenčanja i dr.; fotografija za publicistiku, komercijalne, javne, modne, turističke i druge svrhe; fotografiranje iz vazduha; obrada filmova; razvijanje, umnožavanje ili uvećanje s negativa koji su donijeli klijenti ili za potrebe filmske djelatnosti; izrada slajdova, preslikavanje, reastauracija ili retuširanje starih fotografija; rad automata za fotografisanje; ...	
95.24	Popravak namještaja i pokućstva: popravak, održavanje i usluge restauriranja ostalog namještaja; ...	

## V PROJEKTI KOJI SU PREDMET FINANSIRANJA/SUFINANSIRANJA

Projekti koji su predmet finansiranja/sufinansiranja u Programu su sljedeći:

- 1) Projekti nabavke mašina, uređaja i alata, u funkciji obavljanja osnovne djelatnosti;
- 2) Projekti unutrašnjeg uređenja poslovnog prostora za obavljanje osnovne djelatnosti;
- 3) Projekti nabavke repromaterijala za obavljanje osnovne djelatnosti; i
- 4) Projekti nabavke u oblasti prevoza putnika zaprežnim vozilima, što uključuje nabavku zaprežnog vozila kod kojeg se za vuču koristi konj/konji i/ili radova za njegovu rekonstrukciju i/ili nabavku opreme za ovo zaprežno vozilo i/ili opreme i/ili hrane za konja za vuču zaprežnog vozila.

## VI MAKSIMALNI IZNOSI POTICAJNIH SREDSTAVA PO VRSTAMA PROJEKATA

Maksimalni iznosi poticajnih sredstava po vrstama projekata iz Programa su sljedeći:

- 1) Za projekat iz poglavlja V tačke 1) Programa, maksimalni iznos poticajnih sredstava je 6.000,00 KM (slovima: šestiljada konvertibilnih maraka);
- 2) Za projekat iz poglavlja V tačke 2) Programa, maksimalni iznos poticajnih sredstava je 6.000,00 KM (slovima: šestiljada konvertibilnih maraka);
- 3) Za projekat iz poglavlja V tačke 3) Programa, maksimalni iznos poticajnih sredstava je 3.000,00 KM (slovima: trihiljade konvertibilnih maraka); i
- 4) Za projekat iz poglavlja V tačke 4) Programa, maksimalni iznos poticajnih sredstava je 6.000,00 KM (slovima: šestiljada konvertibilnih maraka).

## VII PRIHVATLJIVI TROŠKOVI U PROJEKTIMA

Prihvatljivi troškovi u projektima iz Programa su sljedeći:

- 1) U projektu iz poglavlja V tačke 1) Programa, prihvatljivi troškovi su troškovi nastali u postupku realizacije nabavke mašina i/ili uređaja i/ili alata u funkciji obavljanja osnovne djelatnosti, osim troškova nabavke mobilnih telefona, tableta i laptopa;
- 2) U projektu iz poglavlja V tačke 2) Programa, prihvatljivi troškovi su troškovi nastali u postupku realizacije nabavke/nabavki građevinsko-zanatskih radova unutrašnjeg uređenja poslovnog prostora za obavljanje osnovne djelatnosti, koji uključuju jednu ili više sljedećih vrsta ovih radova: građevinske radove unutar poslovnog prostora, instalaterske radove (elektroinstalacije, vodovodne instalacije, grijanje i hlađenje), zamjenu ili rekonstrukciju podnih površina, te zamjenu ili rekonstrukciju građevinske stolarije u skladu sa važećim propisima;
- 3) U projektu iz poglavlja V tačke 3) Programa, prihvatljivi troškovi su troškovi nastali u postupku realizacije nabavke repromaterijala za obavljanje osnovne djelatnosti; i
- 4) U projektu iz poglavlja V tačke 4) Programa, prihvatljivi troškovi su troškovi nastali u postupku realizacije nabavke u oblasti prevoza putnika zaprežnim vozilima, što uključuje nabavku zaprežnog vozila kod kojeg se za vuču koristi konj/konji i/ili radova za njegovu rekonstrukciju i/ili nabavku opreme za ovo zaprežno vozilo i/ili opreme i/ili hrane za konja za vuču zaprežnog vozila.

Napomena: Predmet nabavke u projektima iz tačke 1), 2), 3) i 4) ovog poglavlja mora dobavljati poslovni subjekt koji je registrovan i obavlja odnosnu djelatnost u skladu sa zakonskim propisima.

## VIII USLOVI I KRITERIJI U POSTUPKU IZBORA KORISNIKA SREDSTAVA

Pravo na dodjelu poticajnih sredstava za finansiranje/sufinansiranje projekata po Programu može ostvariti fizičko lice koje samostalno obavlja registrovanu poslovnu djelatnost kao osnovnu djelatnost (u daljnjem tekstu: Podnosilac prijave), koji podnese prijavu na javni poziv po Programu (u daljnjem tekstu: Javni poziv) i:

- 1) ako je registrovan i obavlja osnovnu djelatnost iz Poglavlja IV Programa,
- 2) ako je njegovo sjedište na području Kantona Sarajevo,
- 3) ako je u prijavi na Javni poziv dostavio prihvatljiv projekat iz Programa,
- 4) ako je dostavio prijavu u skladu sa Javnim pozivom,





- 5) ako ispunjava sve ostale uslove iz Javnog poziva i
- 6) ako je primjenom kriterija iz Poglavlja IX Programa i limita ukupno planiranih sredstava iz Poglavlja III Programa odabran kao korisnik sredstava.

### IX POJEDINAČNI BROJ BODOVA UNUTAR POJEDINAČNIH KRITERIJA

Red. br.	Kriteriji	Elementi strukture kriterija	Broj bodova
1.	Vrsta osnovne djelatnosti iz poglavlja IV Programa	osnovna djelatnost iz grupe A	30
		osnovna djelatnost iz grupe B	27
		osnovna djelatnost iz grupe C	24
		osnovna djelatnost iz grupe D	22
2.	Vrsta projekta iz poglavlja V Programa	projekat iz tačke 1)	30
		projekat iz tačke 2)	28
		projekat iz tačke 3)	26
		projekat iz tačke 4)	26
3.	Iznos vlastitih finansijskih sredstava u finansiranju projekta	više od 20 %	15
		više od 10 % do 20 %	12
		više od 5 % do 10 %	8
		od 0 % do 5 %	0
4.	Broj zaposlenih	više od 6	10
		4 do 6	9
		2 do 3	7
		1	5
5.	Vremenski period trajanja obrta i tradicija u vođenju obrta, radi očuvanja kulturne i historijske baštine	Trajanje obrta više od 20 godina	15
		Trajanje obrta više od 12 do 20 godina	12
		Trajanje obrta više od 5 do 12 godina	8
		Trajanje obrta do 5 godina	4

Nakon izvršenog bodovanja po kriterijima iz ovog Poglavlja, za grupu aplikanata koji ostvare broj bodova koji se u cjelosti nalazi unutar definiranog limita sredstava iz Poglavlja III Programa (Grupa I), bit će isplaćen cjelokupan iznos sredstava traženih u odnosnim pojedinačnim prijavama ovih aplikanata.

Za preostala sredstva formira se Grupa II od preostalih aplikanata sa najvećim brojem bodova. Ovim aplikantima sredstva će biti isplaćena proporcionalno iznosu sredstava iz odnosnog zahtjeva i sredstava koja su preostala nakon raspodjele sredstava Grupi I. Iznos sredstava koji će biti isplaćen po pojedinačnom aplikantu iz Grupe II obračunava se na sljedeći način: (Ukupan preostali iznos sredstava do definiranog limita iz Poglavlja III Programa/Ukupan traženi iznos sredstava svih aplikanata iz Grupe II) x (Pojedinačni traženi iznos sredstava aplikanta iz Grupe II).

**Napomena:** Bodovanje po kriterijima iz ovog Poglavlja vrši se samo ako je iznos traženih sredstava aplikanata koji su zadovoljili uslove Javnog poziva po ovom Programu veći od limita iz Poglavlja III Programa.



## X OSNOVNA STRUKTURA PROJEKTA

Osnovna ili minimalna struktura projekta koji je predmet finansiranja/sufinansiranja u Programu mora biti sljedeća:

- 1) Podaci o podnosiocu projekta;
- 2) Opis projekta;
- 3) Finansijska struktura projekta, koja uključuje:
  - ukupnu vrijednost projekta,
  - ukupan iznos poticajnih finansijskih sredstava u finansiranju projekta (zahtijevana budžetska sredstva),
  - ukupan iznos vlastitih finansijskih sredstava u finansiranju projekta i
  - specifikaciju troškova u projektu;
- 4) Dinamika i ukupni period realizacije projekta;
- 5) Cilj projekta i planirane efekte u poslovanju koji se postižu realizacijom projekta.

## XI JAVNI POZIV

Ministarstvo privrede priprema i objavljuje Javni poziv za finansiranje/sufinansiranje projekata u cilju očuvanja tradicionalnih i starih zanata u Kantonu Sarajevo za 2024. godinu. Javnim pozivom pozivaju se obrtnici koji ispunjavaju uslove iz Javnog poziva da podnesu prijave za ostvarivanje prava za finansiranje/sufinansiranje projekata u cilju očuvanja tradicionalnih i starih zanata u Kantonu Sarajevo za 2024. godinu. Javni poziv objavljuje se na web stranici Ministarstva privrede, a Obavještenje o Javnom pozivu objavljuje se u „Službenim novinama Kantona Sarajevo“ i u jednom dnevnom listu čiji je izdavač pravno lice sa sjedištem u Kantonu Sarajevo. Prijava na Javni poziv mora sadržavati dokumentaciju propisanu Javnim pozivom. Prijava na Javni poziv, u zatvorenoj koverti, dostavlja se Ministarstvu privrede, direktno na protokol Kantona Sarajevo ili putem pošte. Prijava na Javni poziv mora sadržavati: uredno popunjen prijavni obrazac, projekat i drugu dokumentaciju propisanu Javnim pozivom. Prijava na Javni poziv koja nije dostavljena u skladu sa naprijed navedenim neće biti dalje razmatrana. Rok za dostavljanje prijave je 30 dana od dana objave Obavještenja o Javnom pozivu u „Službenim novinama Kantona Sarajevo“. Neblagovremena prijava neće biti uzeta u razmatranje. Prijava dostavljena po Javnom pozivu ne vraća se podnosiocu prijave. Ministarstvo privrede ne snosi nikakve troškove u pripremi i dostavi prijave na Javni poziv.

## XII SADRŽAJ PRIJAVE NA JAVNI POZIV

Podnosilac prijave na Javni poziv mora dostaviti ovu prijavu koja uključuje sljedeće:

- 1) **Prijavni obrazac** propisan Javnim pozivom, ovjeren potpisom ovlaštenog lica i pečatom podnosioca prijave (original);
- 2) **Projekat** sa minimalnom strukturom propisanom u Poglavlju X Programa, ovjeren potpisom ovlaštenog lica i pečatom podnosioca prijave (original);
- 3) **Isprave i drugu dokumentaciju**, kako slijedi:
  - a. Rješenje za obavljanje obrta kao osnovnog zanimanja, usklađeno sa Zakonom o obrtu i srodnim djelatnostima („Službene novine Federacije BiH“, broj: 75/21), izdato od nadležnog općinskog organa (fotokopija ovjerena od nadležnog organa - općina/notar);
  - b. Uvjerenje o poreskoj registraciji - identifikacijski broj (ID broj) (fotokopija ovjerena od nadležnog organa - općina/notar);
  - c. Uvjerenje o registraciji obveznika poreza na dodanu vrijednost ili u slučaju da podnosilac prijave nije obveznik po ovom osnovu potrebno je dostaviti uvjerenje Uprave za indirektno oporezivanje da isti nije upisan u Jedinstveni registar obveznika indirektnih poreza, ne starije od 60 dana od dana objave Obavještenja o Javnom pozivu u „Službenim novinama Kantona Sarajevo“ (original ili fotokopija ovjerena od nadležnog organa - općina/notar), osim podnosioca prijave iz podtačke f. ove tačke;
  - d. Obavještenje o razvrstavanju pravnog lica prema klasifikaciji osnovne djelatnosti, koje izdaje Federalni zavod za statistiku - Služba za statistiku za područje Kantona Sarajevo



prema Klasifikaciji djelatnosti KD BiH 2010 („Službeni glasnik BiH“, broj: 47/10) (fotokopija ovjerena od nadležnog organa - općina/notar);

- e. Specifikacija za utvrđivanje dohotka od samostalne djelatnosti SPR - 1053 i Godišnja prijava poreza na dohodak za 2023. godinu za fizičko lice koje obavlja registrovanu djelatnost (obrt) (fotokopije ovjerene od nadležnog organa - općina/notar), osim podnosioca prijave iz podtačke f. ove tačke;
- f. Rješenje nadležne porezne uprave o paušalnom plaćanju poreza na dohodak za obveznika dostavlja podnosilac prijave koji na osnovu rješenja nadležne porezne uprave vrši obračun i plaćanje poreznih obaveza u paušalnom iznosu (original ili fotokopija ovjerena od nadležnog organa - općina/notar);
- g. Uvjerenje Porezne uprave Federacije Bosne i Hercegovine o izmirenim obavezama po osnovu poreza i doprinosa sa obaveznim prilogom - Lista osiguranika za obveznika (original ili fotokopija ovjerena od nadležnog organa - općina/notar);
- h. Ugovor ili potvrda banke o otvorenom bankovnom računu na ime podnosioca prijave (original ili fotokopija ovjerena od nadležnog organa - općina/notar);
- i. Predračun/profaktura/ponuda za svaki odnosni predmet nabavke iz projekta, ovjeren potpisom ovlaštenog lica i pečatom poslovnog subjekta iz napomene iz Poglavlja VII Programa (original ili ovjerena fotokopija od nadležnog organa - općina/notar);
- j. Potvrda izdata od strane nadležnog općinskog organa u originalu, o periodu/periodima trajanja obrta pod nazivom obrta podnosioca prijave, koja obavezno uključuje datum početka obavljanja obrtničke djelatnosti (original ili ovjerena fotokopija od nadležnog organa - općina/notar);
- k. Izjava ovlaštenog lica podnosioca prijave u originalu, ovjerena potpisom ovlaštenog lica i pečatom podnosioca prijave, te dodatno ovjerena od nadležnog organa - općina/notar, kojom ovlašteno lice pod punom moralnom, materijalnom i krivičnom odgovornošću potvrđuje da se protiv njega ne vodi krivični postupak, kao i da nije pravosnažno osuđen za počinjenje krivičnog djela i/ili privredni prijestup;
- l. Izjava u originalu, ovjerena potpisom ovlaštenog lica i pečatom podnosioca prijave, o namjenskom utrošku sredstava u skladu sa projektom koji je dostavio u svojoj prijavi na Javni poziv i da podnosiocu prijave po istom osnovu nisu odobrena sredstva iz budžeta Federacije BiH do dana prijave na Javni poziv;
- m. Izjava u originalu, ovjerena potpisom ovlaštenog lica i pečatom podnosioca prijave, da je podnosilac prijave saglasan da njegov rezultat Javnog poziva bude objavljen na web stranici Ministarstva privrede; i
- n. Izjava u originalu, ovjerena potpisom ovlaštenog lica i pečatom podnosioca prijave, da je podnosilac prijave saglasan da Ministarstvo privrede Kantona Sarajevo i Komisija za izbor korisnika poticajnih sredstava po ovom Javnom pozivu mogu obrađivati dokumente kojima se dokazuje lični identitet lica u vezi sa predmetnom prijavom shodno odredbama Zakona o zaštiti ličnih podataka („Službeni glasnik BiH“, br. 49/06, 76/11 i 89/11);
- o. Drugi dokumenti ako su propisani Javnim pozivom.

**Napomena 1:** Za projekat iz Poglavlja V tačka 2) Programa potrebno je dostaviti fotodokumentaciju (u koloru) iz koje je vidljivo stanje unutrašnjosti poslovnog prostora i stanje građevinske stolarije ovog poslovnog prostora.

**Napomena 2:** Prijava obavezno mora sadržavati sve potrebne isprave i dokumentaciju iz Poglavlja XII ovog Javnog poziva, a ove isprave i dokumentacija trebaju biti poredane tačnim redoslijedom koji je propisan tim Poglavljem. Prijava treba biti čvrsto uvezana, a sve strane prijave numerisane i ovjerene pečatom podnosioca prijave i potpisom ovlaštenog lica podnosioca prijave.

**Napomena 3:** Podnosiocu prijave ne mogu biti odobrena poticajna sredstva po Programu ako su podnosiocu prijave odobrena sredstva po istom osnovu putem drugih programa koje u 2024. godini provodi Ministarstvo privrede Kantona Sarajevo na osnovu Zakona o poticaju razvoja male privrede („Službene novine Kantona Sarajevo“, broj: 29/15).



Napomena 4: Podnosilac prijave ima pravo podnijeti prijavu samo za jedan projekat iz Poglavlja V Programa.

Napomena 5: Ukoliko se naknadno utvrdi da su tvrdnje u izjavama podnosioca prijave iz ovog Poglavlja neistinite, kao i da je druga dokumentacija podnosioca prijave propisana ovim Poglavljem neistinita, prijava se neće uzeti u razmatranje, a ukoliko se ove činjenice utvrde nakon dodjele poticajnih sredstava, podnosilac prijave kojem budu dodijeljena sredstva dužan je izvršiti povrat ovih sredstava sa pripadajućim zakonskim zateznim kamatama.

### **XIII UGOVOR O REALIZACIJI ODOBRENIH SREDSTAVA**

Nakon donošenja odluke o izboru korisnika sredstava, Ministarstvo privrede sa odabranim korisnicima sredstava zaključuje pojedinačne ugovore o realizaciji odobrenih sredstava. Ugovor obavezno sadrži: predmet ugovora, iznos odobrenih sredstava, namjenu i uslove dodjele odobrenih sredstava, rokove utroška sredstava, način i rokove izvještavanja o utrošku sredstava, nadzor nad utroškom sredstava, sankcije u slučaju nepoštivanja ugovora, kao i druge neophodne elemente ugovora po ocjeni Ministarstva privrede u cilju uspostavljanja jasnog obligacionog odnosa ugovornih strana. Obavezni sastavni dio ugovora je Obrazac „Izvjestaj o realizaciji odobrenih sredstava“. Prije zaključenja ugovora, odabrani korisnik sredstava obavezan je Ministarstvu privrede dostaviti bjanko ovjerenu mjenicu sa ovjerenom mjeničnom izjavom, a ova mjenica može se realizovati do visine iznosa odobrenih sredstava uvećanog za zakonske zatezne kamate i ugovornu kaznu ako je ugovorena.

### **XIV INFORMACIJA O REALIZACIJI ODOBRENIH SREDSTAVA**

Na osnovu praćenja i evaluacije realizacije odobrenih sredstava po Programu, Ministarstvo privrede sačinjava Informaciju o realizaciji odobrenih sredstava za 2024. godinu. Informaciju Ministarstvo privrede dostavlja Vladi Kantona Sarajevo, najkasnije do 31.12.2025. godine.



Dostaviti:

1. Predsjedavajući Skupštine Kantona Sarajevo,
2. Zamjenici predsjedavajućeg Skupštine Kantona Sarajevo (3x),
3. Premijer Kantona Sarajevo,
- ④ 4. Ministarstvo privrede Kantona Sarajevo,
5. Za objavu u „Službenim novinama Kantona Sarajevo”,
6. Evidencija,
7. A r h i v a.

